

protinus ante meum quidquid dolet exue limen, 190  
 pone domum et seruos et quidquid frangitur illis  
 aut perit, ingratos ante omnia pone sodalis.  
 interea Megalesiacae spectacula mappae  
 Idaeum sollemne colunt, similisque triumpho  
 praeda caballorum praetor sedet ac, mihi pace 195  
 immensae nimiaeque licet si dicere plebis,  
 totam hodie Romam circus capit, et fragor aurem  
 percutit, euentum uiridis quo colligo panni.  
 nam si deficeret, maestam attonitamque uideres  
 hanc urbem ueluti Cannarum in puluere uictis 200  
 consulibus. spectent iuuenes, quos clamor et audax  
 sponsio, quos cultae decet adsedis puellae:  
 nostra bibat uernum contracta cuticula solem  
 effugiatque togam. iam nunc in balnea salua  
 fronte licet uadas, quamquam solida hora supersit 205  
 ad sextam. facere hoc non possis quinque diebus  
 continuis, quia sunt talis quoque taedia uitae  
 magna: uoluptates commendat rarior usus.

## SATVRA XII

NATALI, Coruine, die mihi dulcior haec lux,  
 qua festus promissa deis animalia caespes  
 expectat. niueam reginae ducimus agnam,  
 par uellus dabitur pugnanti Gorgone Maura;  
 sed procul extensum petulans quatit hostia funem 5  
 Tarpeio seruata Ioui frontemque coruscat,  
 quippe ferox uitulus templis maturus et arae  
 spargendusque mero, quem iam pudet ubera matris  
 ducere, qui uexat nascenti robora cornu.

195 praeda *PSFGKUZΣ*: praedo *AHLOT*  
 1 dulcior *PAGHU Seru. in Buc. iii. 76*: carior *Φ*

IVVENALIS

si res ampla domi similisque adfectibus esset, 10  
 pinguior Hispulla traheretur taurus et ipsa  
 mole piger, nec finitima nutritus in herba,  
 laeta sed ostendens Clitumni pascua sanguis  
 et grandi ceruix iret ferienda ministro  
 ob reditum trepidantis adhuc horrendaque passi 15  
 nuper et incolumem sese mirantis amici.  
 nam praeter pelagi casus et fulminis ictus  
 euasit. densae caelum abscondere tenebrae  
 nube una subitusque antemnas inpulit ignis,  
 cum se quisque illo percussum crederet et mox 20  
 attonitus nullum conferri posse putaret  
 naufragium uelis ardentibus. omnia fiunt  
 talia, tam grauitur, si quando poetica surgit  
 tempestas. genus ecce aliud discriminis audi  
 et miserere iterum, quamquam sint cetera sortis 25  
 eiusdem pars dira quidem sed cognita multis  
 et quam uotiuua testantur fana tabella  
 plurima: pictores quis nescit ab Iside pasci?  
 accidit et nostro similis fortuna Catullo.  
 cum plenus fluctu medius foret alueus et iam 30  
 alternum puppis latus euertentibus undis  
 arboris incertae, nullam prudentia cani  
 rectoris cum ferret opem, decidere iactu  
 coepit cum uentis, imitatus castora, qui se  
 eunuchum ipse facit cupiens euadere damno 35  
 testiculi: adeo medicatum intellegit inguen.  
 'fundite quae mea sunt' dicebat 'cuncta' Catullus

14 et grandi ceruix iret *Housman*: iret et grandi (magno *Seru.*) ceruix  
*PAE Seru. in Aen. viii. 106 cod. Floriac.*: iret et a grandi (magno *Seru.*)  
 ceruix  $\Phi$  *Seru. ibid. codd. ceteri* 17 fulminis *PSAE*: fulguris  $\Phi$  ictus  
*PS*: ictum  $\Phi$  18 euasit *PAFTU*: euasi *GHKLO*: euasum *Z Lond.*  
*mus. Brit. Add. 30861* 29 *del. Guyet* 32 incertae *PO*: incerta  
*F*: incerto  $\Phi$ : incerti *A Vat. 2810*

praecipitare uolens etiam pulcherrima, uestem  
 purpuream teneris quoque Maecenatibus aptam,  
 atque alias quarum generosi graminis ipsum 40  
 infecit natura pecus, sed et egregius fons  
 uiribus occultis et Baeticus adiuuat aer.  
 ille nec argentum dubitabat mittere, lances  
 Parthenio factas, urnae cratera capacem  
 et dignum sitiente Pholo uel coniuge Fusci; 45  
 adde et bascaudas et mille escaria, multum  
 caelati, biberat quo callidus emptor Olynthi.  
 sed quis nunc alius, qua mundi parte quis audet  
 argento praeferre caput rebusque salutem?  
 [non propter uitam faciunt patrimonia quidam, 50  
 sed uitio caeci propter patrimonia uiuunt.]  
 iactatur rerum utilium pars maxima, sed nec  
 damna leuant. tunc aduersis urgentibus illuc  
 reccidit ut malum ferro summitteret, ac se  
 explicat angustum: discriminis ultima, quando 55  
 praesidia adferimus nauem factura minorem.  
 i nunc et uentis animam committe dolato  
 confisus ligno, digitis a morte remotus  
 quattuor aut septem, si sit latissima, taedae;  
 mox cum reticulis et pane et uentre lagonae 60  
 accipe sumendas in tempestate secures.  
 sed postquam iacuit planum mare, tempora postquam  
 prospera uectoris fatumque ualentius euro  
 et pelago, postquam Parcae meliora benigna  
 pensa manu ducunt hilares et staminis albi 65

47 callidus  $\Phi$ : pallidus *PA*      48 quis nunc *PAGU*: nunc quis  $\Phi$   
 50-51 *del. Bentley*      54 reccidit *AFLUZ*: recidit *PSGO*: decidit  
*HKT*      59 taedae *PSF*: taeda  $\Phi$       60 lagonae *PFKGU*: lagoenae  $\Phi$ .  
*cf. v. 29*      61 accipe *Vat. Vrb.* 660, *Vat. Ottob.* 2885 *sicut coni.*  
*Housman*: aspice *PSF*      62 iacuit  $\Phi$ : tacuit *PSA*      63 uectoris  
*PAGTUS*: uectores  $\Phi$ : uectori *L<sup>2</sup> sicut coni. Hadr. Valesius*

IVVENALIS

lanificae, modica nec multum fortior aura  
 uentus adest, inopi miserabilis arte cucurrit  
 uestibus extentis et, quod superauerat unum,  
 uelo prora suo. iam deficientibus austris  
 spes uitae cum sole redit. tum gratus Iulo 70  
 atque nouercali sedes praelata Lauino  
 conspicitur sublimis apex, cui candida nomen  
 scrofa dedit, laetis Phrygibus mirabile sumen  
 et numquam uisis triginta clara mamillis.  
 tandem intrat positas inclusa per aequora moles 75  
 Tyrrenamque pharon porrectaque bracchia rursum  
 quae pelago occurrunt medio longequae relinunt  
 Italiam; non sic igitur mirabere portus  
 quos natura dedit. sed trunca puppe magister  
 interiora petit Baianae peruia cumbae 80  
 tuti stagna sinus, gaudent ubi uertice raso  
 garrula securi narrare pericula nautae.  
 ite igitur, pueri, linguis animisque fauentes  
 sartaque delubris et farra inponite cultris  
 ac mollis ornate focos glebamque uirentem. 85  
 iam sequar et sacro, quod praestat, rite peracto  
 inde domum repetam, graciles ubi parua coronas  
 accipiunt fragili simulacra nitentia cera.  
 hic nostrum placabo Iouem Laribusque paternis  
 tura dabo atque omnis uiolae iactabo colores. 90  
 cuncta nitent, longos erexit ianua ramos  
 et matutinis operatur festa lucernis.  
 neu suspecta tibi sint haec, Coruine, Catullus,

68 extentis *P*: extensis  $\Phi$ . cf. vi. 459, xii. 5      70 tum  $\Phi$ : tunc *PA*  
 73 mirabile  $\Phi$ : miserabile *PSA*. uersum om. *Z*. 'aut mirabile'  $\Sigma$ . cf. *Verg.*  
*Aen.* viii. 81      76 rursum *P*: rursus  $\Phi$ . cf. vi. 155, x. 150, *Pers.* iii. 34  
 78 igitur] similis *Housman*      81 tuti stagna sinus *PGU*: tunci stagna  
 sinus *A*: tunc stagnante sinu  $\Phi$       ubi  $\Phi$ : ibi *PAFZ*      93 neu *FHLOZ*  
*sicut coni. Schrader*: nec *PAGKTU*: ne *Laur. S. Marci* 234 *sicut coni.*

pro cuius reditu tot pono altaria, paruos  
 tres habet heredes. libet expectare quis aegram 95  
 et claudentem oculos gallinam inpendat amico  
 tam sterili; uerum haec nimia est inpensa, coturnix  
 nulla umquam pro patre cadet. sentire calorem  
 si coepit locuples Gallitta et Pacius orbi,  
 legitime fixis uestitur tota libellis 100  
 porticus, existunt qui promittant hecatomben,  
 quatenus hic non sunt nec uenales elephantii,  
 nec Latio aut usquam sub nostro sidere talis  
 belua concipitur, sed furua gente petita  
 arboribus Rutulis et Turni pascitur agro, 105  
 Caesaris armentum nulli seruire paratum  
 priuato, siquidem Tyrio parere solebant  
 Hannibali et nostris ducibus regique Molosso  
 horum maiores ac dorso ferre cohortis,  
 partem aliquam belli, et euntem in proelia turrem. 110  
 nulla igitur mora per Nouium, mora nulla per Histrum  
 Pacuuium, quin illud ebur ducatur ad aras  
 et cadat ante Lares Gallittae uictima sola  
 tantis digna deis et captatoribus horum.  
 alter enim, si concedas, mactare uouebit 115  
 de grege seruorum magna et pulcherrima quaeque  
 corpora, uel pueris et frontibus ancillarum  
 inponet uittas et, si qua est nubilis illi  
 Iphigenia domi, dabit hanc altaribus, etsi  
 non sperat tragicæ furtiua piacula ceruae. 120  
 laudo meum ciuem, nec comparo testamento  
 mille rates; nam si Libitinam euaserit aeger,

*Lachmann. cf. xiv. 66* 99 orbi *PΦ*: orbus *A Monac.* 14015 101 pro-  
 mittant *PSAG*: promittunt *Φ* 104 furua *PΦΣ*: fulua *SAFZ Sang.*  
 110 belli *PAGKU*: bellique *Φ* turrem *PGU*: turbam *Φ*: turmam  
*A Vat.* 2810 113 sola *PSFGU*: sacra *Φ*

## IUVENALIS

delebit tabulas inclusus carcere nassae  
post meritum sane mirandum atque omnia soli  
forsan Pacuio breuiter dabit, ille superbus 125  
incedet uictis riualibus. ergo uides quam  
grande operae pretium faciat iugulata Mycenis.  
uiuat Pacuius quaeso uel Nestora totum,  
possideat quantum rapuit Nero, montibus aurum  
exaequet, nec amet quemquam nec ametur ab ullo. 130

## LIBER QVINTVS

### SATVRA XIII

EXEMPLO quodcumque malo committitur, ipsi  
displicet auctori. prima est haec ultio, quod se  
iudice nemo nocens absoluitur, improba quamuis  
gratia fallaci praetoris uicerit urna.  
quid sentire putas homines, Caluine, recenti 5  
de scelere et fidei uiolatae crimine? sed nec  
tam tenuis census tibi contigit, ut mediocris  
iacturae te mergat onus, nec rara uidemus  
quae pateris: casus multis hic cognitus ac iam  
tritum et e medio fortunae ductus aceruo. 10  
ponamus nimios gemitus. flagrantior aequo  
non debet dolor esse uiri nec uolnere maior.  
tu quamuis leuium minimam exiguamque malorum  
particulam uix ferre potes spumantibus ardens  
uisceribus, sacrum tibi quod non reddat amicus 15  
depositum? stupet haec qui iam post terga reliquit

4 fallaci *PG Seru. in Aen. vi. 431 codd. plerique: fallacis*  $\Phi$  urna  
*PSU Seru. ibid.: urnam*  $\Phi$  5 homines *U Laur. 34. 30 sicut consi.*  
*Ribbeck: omnes*  $P\Phi$  13 malorum *PAGKTU: laborum FHLOZ*